

# INUIT ATAQATIGIIT

## Inatsisartuni



17. 10.2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### **Naalackersuisunut apeqquq:**

- 1. UKA19/63-ip oqallisigineqarnerani Naalackersuisut Siulittaasuata neriorsuutigaa, Aalisarnermut Ataatsimiitsitaliarsuarmut politikikkut malinnaasutut illuatungiliuttut partiivi, Naalackersuisooqatigiit partiivituulli Demokraatillu assigalugit periarfissinniarlugit. Tamannamita qaqagu timitalerneqarniarpa?**

(Inatsisartuni ilaasortaq Múte B. Egede , Inuit Ataqatigiit)

### **Tungavilersuut:**

Aalisarneq nunatta inuuniarnikkut aningaasarsiornikkullu nappatigaa. Pingaaruteqarluinnarporlu aalisarnermi inatsisiliornissap, maanna ataatsimiitsitaliarsualiornikkut suliarineqarluni aallartisarneqartup siammasissumik tunuliaqutaqarnissaa. Inuussutissarsiut patajaatsumik siunissamilu naatsorsuutigineqarsinnaasumik sinaakkuserneqaqqullugu. Nunattalu aningaasarsiornikkut patajaatsumik toqqammavilernissaa aamma taamtut qulakkeerneqassalluni. Inuit Ataqatigiit ataatsimiitsitaliarsuup pilersinneqarnialerneraniilli siammasissumik tunuliaqutaqarluni suliaqarnissaa kissaatigisimavarput. Kissaaterput kiisami Naalackersuisunit kingusikkaluamik tusaaniarneqalermaq tusarluarfigigatsigu apeqquqteqaateqarpunga.

Kissaatigaara apeqquqtit ullut qulit qaangiutsinnagit akineqarnissaat.